

საქართველოს უზენაესი სასამართლოს მოსამართლის თანამდებობაზე ასარჩევად საქართველოს პარლამენტისათვის წარსადგენი სამოსამართლო გამოცდილების მქონე მოსამართლეობის კანდიდატის შეფასების ფორმა


მოსამართლეობის კანდიდატის სიმონ ჩხაიძის შეფასების შედეგი:

მოსამართლეობის კანდიდატის შეფასება კეთილსინდისიერების კრიტერიუმის მიხედვით		
მოსამართლეობის კანდიდატი არ აკმაყოფილებს კეთილსინდისიერების კრიტერიუმს	<input type="checkbox"/>	
მოსამართლეობის კანდიდატი აკმაყოფილებს კეთილსინდისიერების კრიტერიუმს	<input type="checkbox"/>	
მოსამართლეობის კანდიდატი სრულად აკმაყოფილებს კეთილსინდისიერების კრიტერიუმს	<input checked="" type="checkbox"/>	
მოსამართლეობის კანდიდატის შეფასება კომპეტენტურობის კრიტერიუმის მიხედვით		
კრიტერიუმი	მიღებული ქულა	მაქსიმალური ქულა
სამართლის ნორმების ცოდნა	16	20
სამართლებრივი დასაბუთების უნარი და კომპეტენცია	18	20
წერის უნარი	19	20
ზეპირი კომუნიკაციის უნარი	14	15
პროფესიული თვისებები, მათ შორის, ქცევა სასამართლო დარბაზში	14	15
აკადემიური მიღწევები და პროფესიული წვრთნა	4	5
პროფესიული აქტივობები	5	5
<b>ქულათა ჯამი</b>	<b>90</b>	<b>100</b>

სახელი, გვარი : ნიკოლოზ მარსაგიშვილი

თარიღი:

28/05-2021 წ.





საქართველოს იუსტიციის უმაღლესი საბჭოს წევრი ნიკოლოზ მარსაგიშვილი

საქართველოს უზენაესი სასამართლოს მოსამართლის შესარჩევ კონკურსში მონაწილე კანდიდატის

სიმონ ჩხაიძის შეფასების დასაბუთება

საქართველოს უზენაესი სასამართლოს მოსამართლის შესარჩევ კონკურსში მონაწილე კანდიდატის სიმონ ჩხაიძის შეფასების დასაბუთების შედგენის პროცესში ვიხელმძღვანელებ „საერთო სასამართლოების შესახებ“ საქართველოს ორგანული კანონის 34<sup>1</sup> მუხლის მე-11 პუნქტით დადგენილი წესით.

მოსამართლეობის კანდიდატის შეფასება კეთილსინდისიერების კრიტერიუმის მიხედვით		კომენტარი
მოსამართლეობის კანდიდატი არ აკმაყოფილებს კეთილსინდისიერების კრიტერიუმს	<input type="checkbox"/>	სიმონ ჩხაიძე გამოირჩევა პრინციპულობით, კორექტულობით, თავდაჭერილობითა და გადაწყვეტილების დამოუკიდებლად მიღების უნარით. ამასთან, კანდიდატს აქვს მოვალეობებისა და პასუხისმგებლობის შესაბამისი შეგნება და სამსახურებრივ თუ სხვა სახის მოვალეობებს, მათ შორის, ფინანსურ ან სხვა ხასიათის ვალდებულებებს (ქონებრივი დეკლარაციის შევსება, ბანკის ან სხვა ვალის გადახდა, საგზაო მოძრაობის წესების
მოსამართლეობის კანდიდატი აკმაყოფილებს კეთილსინდისიერების კრიტერიუმს	<input type="checkbox"/>	

<p>მოსამართლეობის კანდიდატი სრულად აკმაყოფილებს კეთილსინდისიერების კრიტერიუმს</p>	<input checked="" type="checkbox"/>	<p>დარღვევისათვის ჯარიმის გადახდა და სხვ.) ასრულებს ჯეროვნად. აღსანიშნავია, რომ იგი იცავს სამოსამართლო ეთიკის წესებს და გამოირჩევა მოსამართლის მაღალი წოდების შესაბამისი ქცევითა და იმიჯით. ასევე, სიმონ ჩხაიძის მიმართ დისციპლინური დევნა არ ყოფილა დაწყებული.</p>	
<p>მოსამართლეობის კანდიდატის შეფასება კომპეტენტურობის კრიტერიუმის მიხედვით</p>		<p>კომენტარი</p>	
<p>კრიტერიუმი</p>	<p>მიღებული ქულა</p>	<p>მაქსიმალური ქულა</p>	
<p>სამართლის ნორმების ცოდნა</p>	<p>16</p>	<p>20</p>	<p>სიმონ ჩხაიძე სამოქალაქო სამართლის მიმართულებით ფლობს მატერიალურ და საპროცესო კანონმდებლობას. ამასთან, კანდიდატთან გამართული საჯარო მოსმენის შედეგად, ნათელი გახდა, რომ იგი იცნობს სამართლის ისტორიას, სამართლის ფილოსოფიას, საქართველოს კონსტიტუციის ნორმებსა და საერთაშორისო სამართლებრივ აქტებს. აგრეთვე, კანდიდატი სისტემატიურად ეცნობა ადამიანის უფლებათა ევროპული სასამართლოს გადაწყვეტილებებს. აღსანიშნავია, რომ მას ჩაბარებული აქვს მოსამართლეობის საკვალიფიკაციო გამოცდა (სამოქალაქო და ადმინისტრაციული სამართლის სპეციალიზაცია).</p>
<p>სამართლებრივი დასაბუთების უნარი და კომპეტენცია</p>	<p>18</p>	<p>20</p>	<p>კანდიდატს აქვს ხანგრძლივი პროფესიული, მათ შორის, მოსამართლის თანამდებობაზე მუშაობის 14-წლიანი გამოცდილება. ამასთან, იგი გამოირჩევა ანალიტიკური აზროვნებითა და საკუთარი შეხედულებების დამაჯერებლად გადმოცემის უნარით.</p>

წერის უნარი	19	20	სიმონ ჩხაიძის მიერ წარმოდგენილი სამართლებრივი დოკუმენტების <sup>1</sup> შესწავლის საფუძველზე შესაძლებელია ითქვას, რომ მას გააჩნია სათანადო წერის უნარი. კერძოდ, კანდიდატი მის მიერ მიღებულ გადაწყვეტილებებში კარგად იყენებს და ანალიზებს სამართლებრივ ნორმებს. ამასთან, მის მიერ მოყვანილი არგუმენტები არის ნათელი და არაორაზროვანი. აღსანიშნავია, რომ კანდიდატის მიერ მომზადებული სამართლებრივი დოკუმენტები შესრულებულია თანმიმდევრული, ნათელი და გასაგები ენით.
ზეპირი კომუნიკაციის უნარი	14	15	სიმონ ჩხაიძეს აქვს კარგი მეტყველების უნარი. ამასთან, იგი არის მშვიდი, გაწონასწორებული და ღიად, ნათლად აყალიბებს საკუთარ შეხედულებებს. აგრეთვე, მას გააჩნია სხვისი მოსაზრების მოთმინებით მოსმენის შესაძლებლობა.
პროფესიული თვისებები, მათ შორის, ქცევა სასამართლო დარბაზში	14	15	სიმონ ჩხაიძე გამოირჩევა შრომისმოყვარეობით, პუნქტუალურობით, მიზანდასახულობით, გულმოდგინებით, პროდუქტიულობით და გააჩნია საქმის სათანადოდ მომზადების, გადაწყვეტილების დაუხმარებლად მიღებისა და დამოუკიდებელი აზროვნების უნარი. ამასთან, 2017 წლის 1 ნოემბრიდან - 2020 წლის 1 ნოემბრამდე პერიოდში, კანდიდატის წარმოებაში არსებულ საქმეთა განხილვის სტატისტიკური ინფორმაციის თანახმად, მაღალია მის მიერ საპროცესო ვადების დაცვით განხილულ საქმეთა (83,3%) და უცვლელად დატოვებულ გასაჩივრებულ გადაწყვეტილებათა პროცენტული მაჩვენებლები (85,3%).

<sup>1</sup> სასამართლო გადაწყვეტილება: ქუთაისის სააპელაციო სასამართლოს სამოქალაქო საქმეთა პალატის 2011 წლის 15 დეკემბრის გადაწყვეტილება, საქმე N2/ზ-97-2011, ქუთაისის სააპელაციო სასამართლოს სამოქალაქო საქმეთა პალატის 2010 წლის 8 ნოემბრის გადაწყვეტილება, საქმე N2/ზ-791-2010, სტატია „სხვა ობიექტური გარემოება, როგორც შრომითი ხელშეკრულების მოშლის საფუძველი“ - „მართლმსაჯულება და კანონი“ N4 (56)17.

აკადემიური მიღწევები და პროფესიული წვრთნა	4	5	კანდიდატი არის ღია სიახლეების მიმართ და აქვს თვითგანვითარების უნარი. ახალი ცოდნის შეძენისა და მისი პრაქტიკაში გამოყენების მიზნით, მას მონაწილეობა აქვს მიღებული არაერთ სემინარში.
პროფესიული აქტივობა	5	5	სიმონ ჩხაიძეს მონაწილეობა აქვს მიღებული მართლმსაჯულების საკითხებზე გამართულ სხვადასხვა ღონისძიებაში. ამასთან, იგი ეწევა პედაგოგიურ საქმიანობას და წარმოადგენს თბილისის ღია უნივერსიტეტის მოწვეულ სპეციალისტს. აგრეთვე, კანდიდატი კითხულობს სალექციო კურსს წმინდა ანდრიას ქართულ უნივერსიტეტში. აღსანიშნავია, რომ სიმონ ჩხაიძე იყო აკაკი წერეთლის სახელმწიფო უნივერსიტეტის მოწვეული სპეციალისტი და ბათუმის სოციალურ-პოლიტიკური ინსტიტუტისა და საქართველოს ტექნიკური უნივერსიტეტის ბათუმის პოლიტექნიკური ინსტიტუტის მასწავლებელი. მნიშვნელოვანია, რომ კანდიდატი წარმოადგენს არაერთი სტატიისა და სამართლებრივი წიგნის ავტორს/თანაავტორს.
ქულათა ჯამი	90	100	
დასაბუთება	<p><b>უზენაესი სასამართლოს მოსამართლეობის კანდიდატის შეფასება კეთილსინდისიერების კრიტერიუმის მახასიათებლების მიხედვით</b></p> <p>„საერთო სასამართლოების შესახებ“ საქართველოს ორგანული კანონის თანახმად, იმის დასადგენად თუ რამდენად აკმაყოფილებს კანდიდატი სიმონ ჩხაიძე კეთილსინდისიერების კრიტერიუმს, წინამდებარე დასკვნაში წარმოდგენილი და გაანალიზებულია მისი შეფასება აღნიშნული კრიტერიუმის თითოეულ მახასიათებელთან მიმართებით. კერძოდ, პიროვნული კეთილსინდისიერება და პროფესიული სინდისი;</p>		

დამოუკიდებლობა, მიუკერძოებლობა და სამართლიანობა; პიროვნული და პროფესიული ქცევა; პიროვნული და პროფესიული რეპუტაცია; ფინანსური ვალდებულება.

აღსანიშნავია, რომ კეთილსინდისიერების კრიტერიუმით სიმონ ჩხაიძის შეფასება დაეყრდნო კანდიდატების შესახებ მოძიებულ ინფორმაციას, რა დროსაც სხვადასხვა უწყებიდან მოხდა მის შესახებ შემდეგი სახის ინფორმაციის გამოთხოვა: საქართველოს შინაგან საქმეთა სამინისტროდან მონაცემები ადმინისტრაციული სამართალდარღვევების შესახებ, სს „კრედიტინფო საქართველოდან“ სრული პერსონალური საკრედიტო ინფორმაცია, საქართველოს ფინანსთა სამინისტროს შემოსავლების სამსახურიდან ცნობა შემოსავლების შესახებ, საჯარო სამსახურის ბიუროდან ქონებრივი მდგომარეობის დეკლარაცია, კანდიდატის სამუშაო ადგილიდან ინფორმაცია დისციპლინური სამართალწარმოების შესახებ, კანდიდატის დახასიათების მიზნით მასთან სამსახურეობრივ და პირად ურთიერთობაში მყოფი პირებისგან შევსებული სპეციალური ფორმის რეკომენდაციები, კითხვარები და სხვ. ამასთან, მნიშვნელოვანია, აღინიშნოს ისიც, რომ სიმონ ჩხაიძის შეფასებისას გათვალისწინებულ იქნა მის მიერ განაცხადის შევსებისას მითითებული ინფორმაცია და საჯარო მოსმენისას კანდიდატის მხრიდან გამოვლენილი სხვადასხვა თვისებები, მახასიათებლები და სხვ.

ზემოაღნიშნულ ინფორმაციაზე დაყრდნობით, კანდიდატთან დაკავშირებით პიროვნული კეთილსინდისიერებისა და პროფესიული სინდისის მახასიათებლის თაობაზე შესაძლებელია ითქვას, რომ სიმონ ჩხაიძის დახასიათებისას, რეკომენდატორები და გამოკითხული პირები, რომლებსაც კანდიდატთან აქვთ სამსახურეობრივი თუ პირადი ხასიათის ურთიერთობა, აღნიშნავენ, რომ იგი არის კეთილსინდისიერი, სიმართლისმოყვარე, კორექტული, გულწრფელი, პატიოსანი და გამოირჩევა მაღალი პროფესიული სინდისით. ამასთან, სიმონ ჩხაიძეს სწორად აქვს გაანალიზებული მისთვის დაკისრებული პასუხისმგებლობა და სამსახურეობრივ თუ სხვა სახის მოვალეობებს, მათ შორის, ფინანსურ ან სხვა ხასიათის ვალდებულებებს (ქონებრივი დეკლარაციის შევსება, ბანკის ან სხვა ვალის გადახდა, საგზაო მოძრაობის წესების დარღვევისათვის ჯარიმის გადახდა და სხვ.) უმეტესად ასრულებს ჯეროვნად. ეს ყველაფერი კი ცხადყოფს, რომ კანდიდატს სწორად აქვს შეგნებული და გაანალიზებული პირადი და პროფესიული მოვალეობები.

რაც შეეხება დამოუკიდებლობის, მიუკერძოებლობისა და სამართლიანობის მახასიათებელს, კანდიდატის შესახებ მოძიებული ინფორმაციითა და საჯარო მოსმენაზე მის მიერ გამოვლენილი თვისებების გათვალისწინებით შემექმნა შთაბეჭდილება, რომ იგი

არის პრინციპული, პიროვნულად მყარი, შეუვალი, ზეგავლენის მიმართ მედეგი და გააჩნია გადაწყვეტილების დამოუკიდებლად მიღების უნარი. ასევე, გამოკითხული რეკომენდატორები კანდიდატის შეფასებისას, უთითებენ, რომ იგი ხასიათდება დამოუკიდებლობით, სამართლიანობითა და მიუკერძოებლობით. რაც შეეხება, მის პოლიტიკურ ან სხვა ნიშნით მიუკერძოებლობის საკითხს, ამასთან დაკავშირებით უნდა აღნიშნოს, რომ კანდიდატის მიერ განაცხადში მითითებული ინფორმაციის თანახმად, იგი 1991 წლის მარტიდან 2006 წლის თებერვლამდე იყო რესპუბლიკური პარტიის წევრი. აღსანიშნავია, რომ საჯარო მოსმენაზე მისი მხრიდან არ გამოვლენილა პოლიტიკური ან სხვაგვარი მიკერძოებულობის ნიშნები.

*პიროვნული და პროფესიული ქცევის მახასიათებელთან* დაკავშირებით უნდა ითქვას, რომ სიმონ ჩხაიძე იცავს სამოსამართლო ეთიკის წესებს, კოლეგებთან თუ სხვა პირებთან ურთიერთობისას არის კორექტული და გამოირჩევა მოსამართლის მაღალი წოდების შესაბამისი ქცევითა და იმიჯით. საჯარო მოსმენაზე კანდიდატმა სამართლებრივ თუ ზოგადი ხასიათის საკითხებზე საუბრისას გამოავლინა, რომ იგი არის მშვიდი, თავდაჭერილი და გააჩნია საკუთარი ემოციების მართვის უნარი. აღსანიშნავია, რომ რეკომენდატორები მას ახასიათებენ როგორც დინჯ და ემოციურად გაწონასწორებულ პიროვნებას. ამასთან, უნდა ითქვას ისიც, რომ კანდიდატის წინააღმდეგ დისციპლინური დევნა არ დაწყებულა და იგი დაზარალებულად ცნობილი არ ყოფილა. სასამართლოში წარმართულ დავებში მხარედ მონაწილეობის საკითხთან დაკავშირებით, კანდიდატის მიერ განაცხადში მითითებული ინფორმაციის თანახმად, შესაძლებელია აღინიშნოს, რომ სიმონ ჩხაიძე წარმოადგენდა მოპასუხეს განქორწინების საქმეში. ბათუმის საქალაქო სასამართლოს 2007 წლის 21 იანვრის დაუსწრებელი გადაწყვეტილებით მოპასუხის მიერ სარჩელის ცნობისა და სხდომაზე გამოუცხადებლობის გამო სარჩელი დაკმაყოფილდა. ასევე, კანდიდატი იყო მოსარჩელე ზიანის ანაზღაურების საქმეში. მოპასუხის მხრიდან ვალდებულების ნებაყოფლობით შესრულების გამო, გამოსწორებული არ იქნა სასამართლოს მიერ დადგენილი ხარვეზი, შესაბამისად ქუთაისის საქალაქო სასამართლოს 2011 წლის 7 ივნისის განჩინებით სასამართლომ სარჩელი წარმოებაში არ მიიღო.

*პიროვნულ და პროფესიულ რეპუტაციის მახასიათებელს* რაც შეეხება, კანდიდატის პიროვნულ თვისებებს, ისევე როგორც მის პროფესიულ მიღწევებს რეკომენდატორები და გამოკითხული პირები აფასებენ დადებითად. აგრეთვე, აღნიშნავენ, რომ იგი იურიდიულ წრეებსა და საზოგადოებაში სარგებლობს კარგი საქმიანი და მორალური რეპუტაციითა და ავტორიტეტით. საქართველოს იუსტიციის უმაღლესი საბჭოს საზოგადოებასთან და

მედიასთან ურთიერთობის მენეჯერის მიერ მოწოდებული ინფორმაციის თანახმად, ინტერნეტ სივრცეში სიმონ ჩხაიძის შესახებ ძირითადად ხელმისაწვდომია ინფორმაცია მის მიერ განხილულ საქმეებთან დაკავშირებით. ასევე, საინფორმაციო სააგენტოებით გავრცელდა ინფორმაცია კანდიდატის უვადოდ განწესების, მისი სააპელაციო სასამართლოს სამოქალაქო საქმეთა პალატაში დანიშვნისა და დეკლარაციის არასწორად შევსების გამო დაჯარიმების შესახებ. იურიდიულ წრეებთან ურთიერთობის ხასიათთან და ხარისხთან დაკავშირებით კი უნდა ითქვას, რომ კანდიდატი აქტიურად იღებს მონაწილეობას მართლმსაჯულების საკითხებზე გამართულ სხვადასხვა ღონისძიებაში და ეწევა პედაგოგიურ საქმიანობას.

*ფინანსური ვალდებულების მახასიათებლის* შესახებ, შესაძლებელია აღინიშნოს, რომ სიმონ ჩხაიძეს აქვს დადებითი საკრედიტო ისტორია (უფიქსირდება მცირე ჯარიმა) და მას სახელმწიფო ბიუჯეტის მიმართ დავალიანება არ ერიცხება. ამასთან, იგი წარმოადგენს ა(ა)იპ „საერთაშორისო ბიზნესის განვითარების და ინვესტიციათა ხელშეწყობის ცენტრის“ გამგეობის წევრს. ამრიგად, კანდიდატის ფინანსური ვალდებულებების შემოწმების შედეგად, გამოიკვეთა, რომ არ არსებობს მისი ქონებრივი ინტერესების მართლმსაჯულების ინტერესებთან დაპირისპირების საფუძველი, რამაც შესაძლოა შემდგომში საფრთხის ქვეშ დააყენოს მოსამართლის მიუკერძოებლობა.

ზემოაღნიშნულის გათვალისწინებით, დასკვნის სახით, შესაძლებელია ითქვას, რომ ვინაიდან არ გამოკვეთილა ისეთი გარემოება, რომელიც ეჭვქვეშ დააყენებდა კანდიდატის კეთილსინდისიერების საკითხს, მიმაჩნია, რომ იგი სრულად აკმაყოფილებს აღნიშნულ კრიტერიუმს.

**უზენაესი სასამართლოს მოსამართლეობის კანდიდატის შეფასება კომპეტენტურობის კრიტერიუმის მახასიათებლების მიხედვით**

„საერთო სასამართლოების შესახებ“ საქართველოს ორგანული კანონის თანახმად, კომპეტენტურობის კრიტერიუმის საფუძველზე სიმონ ჩხაიძის შეფასებისას მხედველობაში იქნა მიღებული აღნიშნული კრიტერიუმის თითოეული მახასიათებელი. კერძოდ, სამართლებრივი ნორმების ცოდნა; სამართლებრივი დასაბუთების უნარი და კომპეტენცია; წერის უნარი; ზეპირი კომუნიკაციის უნარი; პროფესიული თვისებები, მათ შორის, ქცევა სასამართლო დარბაზში; აკადემიური მიღწევები და პროფესიული წვრთნა; პროფესიული



	<p>აქტივობა. აღსანიშნავია, რომ კომპეტენტურობის კრიტერიუმით კანდიდატის შეფასება დაეყრდნო კანდიდატის შესახებ მოძიებულ ინფორმაციას, მათ შორის, მის მიერ წარმოდგენილ სამართლებრივ დოკუმენტებს და საჯარო მოსმენის შედეგად შექმნილ შთაბეჭდილებას.</p> <p>კანდიდატის მიერ <i>სამართლებრივი ნორმების ცოდნის</i> კუთხით უნდა აღინიშნოს, რომ სიმონ ჩხაიძე სამოქალაქო სამართლის მიმართულებით ფლობს მატერიალურ და საპროცესო კანონმდებლობას. ამასთან, კანდიდატთან გამართული საჯარო მოსმენის შედეგად, ნათელი გახდა, რომ იგი იცნობს სამართლის ისტორიას, სამართლის ფილოსოფიას, საქართველოს კონსტიტუციის ნორმებსა და საერთაშორისო სამართლებრივ აქტებს. აგრეთვე, კანდიდატი სისტემატიურად ეცნობა ადამიანის უფლებათა ევროპული სასამართლოს გადაწყვეტილებებს. აღსანიშნავია, რომ მას ჩაბარებული აქვს მოსამართლეობის საკვალიფიკაციო გამოცდა (სამოქალაქო და ადმინისტრაციული სამართლის სპეციალიზაცია).</p> <p>იუსტიციის უმაღლესი საბჭოს თითოეული წევრის მიერ კანდიდატების შესახებ მოძიებული ინფორმაციის შესწავლის შემდეგ, 2021 წლის 12 მარტს სიმონ ჩხაიძესთან გაიმართა საჯარო მოსმენა.<sup>2</sup> საჯარო მოსმენაზე იუსტიციის უმაღლესი საბჭოს წევრებმა კანდიდატს დაუსვეს არაერთი სამართლებრივი და ზოგადი ხასიათის შეკითხვა. უნდა აღინიშნოს, რომ იგი იყო გაწონასწორებული, თავდაჯერებული და კორექტული. ამასთან, კანდიდატი ღიად, თავისუფლად და არგუმენტირებულად გამოხატავდა საკუთარ პოზიციას. აღსანიშნავია, რომ სიმონ ჩხაიძე სამართლებრივ საკითხებზე საუბრისას აქტიურად იყენებდა ადამიანის უფლებათა ევროპული სასამართლოს გადაწყვეტილებებს. თუმცა, მის მიერ გაცემული პასუხები ზოგჯერ არ იყო სრულყოფილი და ამომწურავი.</p> <p>კანდიდატის <i>სამართლებრივი დასაბუთების, კომპეტენციისა და წერის უნართან</i> დაკავშირებით შესაძლებელია ითქვას, რომ მას აქვს ხანგრძლივი პროფესიული, მათ შორის, მოსამართლის თანამდებობაზე მუშაობის 14-წლიანი გამოცდილება. იგი ამჟამად წარმოდგენს თბილისის სააპელაციო სასამართლოს სამოქალაქო საქმეთა პალატის მოსამართლეს. სიმონ ჩხაიძის მიერ წარმოდგენილი სამართლებრივი დოკუმენტების<sup>3</sup></p>
--	---

<sup>2</sup> იხ. სიმონ ჩხაიძესთან გამართული საჯარო მოსმენის ვიდეოჩანაწერი: <https://www.youtube.com/watch?v=mKa3YOnLFGA>

<sup>3</sup> სასამართლო გადაწყვეტილება: ქუთაისის სააპელაციო სასამართლოს სამოქალაქო საქმეთა პალატის 2011 წლის 15 დეკემბრის გადაწყვეტილება, საქმე N2/ზ-97-2011, ქუთაისის სააპელაციო სასამართლოს სამოქალაქო საქმეთა პალატის 2010 წლის 8 ნოემბრის გადაწყვეტილება, საქმე N2/ზ-791-2010, სტატია „სხვა ობიექტური გარემოება, როგორც შრომითი ხელშეკრულების მოშლის საფუძველი“ - „მართლმსაჯულება და კანონი“ N4 (56)17.

შესწავლის საფუძველზე კი უნდა აღინიშნოს, რომ მას გააჩნია სათანადო წერის უნარი. კერძოდ, კანდიდატი მის მიერ მიღებულ გადაწყვეტილებებში კარგად იყენებს და აანალიზებს სამართლებრივ ნორმებს. ამასთან, მის მიერ მოყვანილი არგუმენტები არის ნათელი და არაორაზროვანი. აღსანიშნავია, რომ კანდიდატის მიერ მომზადებული სამართლებრივი დოკუმენტები შესრულებულია თანმიმდევრული, ნათელი და გასაგები ენით. მნიშვნელოვანია, რომ შესწავლილ დოკუმენტებში თვალსაჩინო გრამატიკული ხასიათის შეცდომა არ გამოვლენილა.

სიმონ ჩხაიძის ზეპირი კომუნიკაციის უნართან დაკავშირებით უნდა აღინიშნოს, რომ მას აქვს კარგი მეტყველების უნარი. ამასთან, იგი არის მშვიდი, გაწონასწორებული და ღიად, ნათლად აყალიბებს საკუთარი შეხედულებებს. აგრეთვე, მას გააჩნია სხვისი მოსაზრების მოთმინებით მოსმენის შესაძლებლობა.

სიმონ ჩხაიძის პროფესიული თვისებების, მათ შორის, სასამართლო დარბაზში ქცევასთან დაკავშირებით კანდიდატის შესახებ მოძიებული ინფორმაციითა და მის წარმოებაში არსებულ საქმეთა განხილვის სტატისტიკური ინფორმაციის თანახმად, შესაძლებელია ითქვას, რომ იგი გამოირჩევა შრომისმოყვარეობით, პუნქტუალურობით, მიზანდასახულობით, გულმოდგინებით, პროდუქტიულობით და გააჩნია საქმის ჯეროვნად, პასუხისმგებლობით მომზადების, მხარეებთან სათანადოდ მოქცევისა და სასამართლო სხდომის კარგად წარმართვის უნარი. ასევე, შემექმნა შთაბეჭდილება, რომ კანდიდატს აქვს სტრესულ სიტუაციაში მუშაობის, გადაწყვეტილების დაუბმარებლად მიღებისა და დამოუკიდებელი აზროვნების შესაძლებლობა. უშუალოდ კანდიდატის წარმოებაში არსებულ საქმეთა განხილვის სტატისტიკური ინფორმაციის თაობაზე კი უნდა აღინიშნოს, რომ 2017 წლის 1 ნოემბრიდან - 2020 წლის 1 ნოემბრამდე პერიოდში მაღალია მის მიერ საპროცესო ვადების დაცვით განხილულ საქმეთა (83.3%) და უცვლელად დატოვებულ გასაჩივრებულ გადაწყვეტილებათა პროცენტული მაჩვენებლები (85.3%).

სიმონ ჩხაიძის აკადემიური მიღწევების, პროფესიული წვრთნისა და პროფესიული აქტივობის შესახებ შეიძლება ითქვას, რომ იგი არის ღია სიახლეების მიმართ და აქვს თვითგანვითარების, ახალი ცოდნისა და უნარების შეძენის ინტერესი. კანდიდატი აქტიურად იღებს მონაწილეობას მართლმსაჯულების საკითხებზე გამართულ სხვადასხვა ღონისძიებაში. ამასთან, სიმონ ჩხაიძე არის თბილისის სახელმწიფო უნივერსიტეტის დოქტორანტი და მუშაობს სადოქტორო დისერტაციაზე. კანდიდატი ეწევა პედაგოგიურ

საქმიანობას. კერძოდ, იგი წარმოადგენს თბილისის ღია უნივერსიტეტის მოწვეულ სპეციალისტს და კითხულობს სალექციო კურსს წმინდა ანდრეას ქართულ უნივერსიტეტში. აგრეთვე, კანდიდატი იყო აკაკი წერეთლის სახელმწიფო უნივერსიტეტის მოწვეული სპეციალისტი და ბათუმის სოციალურ-პოლიტიკური ინსტიტუტისა და საქართველოს ტექნიკური უნივერსიტეტის ბათუმის პოლიტექნიკური ინსტიტუტის მასწავლებელი. მნიშვნელოვანია, რომ სიმონ ჩხაიძე წარმოადგენს არაერთი სტატიისა და სამართლებრივი წიგნის ავტორს/თანაავტორს.

### შეჯამება

ყოველივე ზემოაღნიშნულის გათვალისწინებით, კანდიდატ სიმონ ჩხაიძესთან დაკავშირებით შესაძლებელია ითქვას, რომ იგი სრულად აკმაყოფილებს კეთილსინდისიერების კრიტერიუმს. ამასთან, კომპეტენტურობის კრიტერიუმის თითოეულ მახასიათებელთან მიმართებით კანდიდატის შეფასებისას გათვალისწინებულ იქნა მისი ცოდნა, კომპეტენცია, გამოცდილება, პროფესიული თვისებები, უნარ-ჩვევები და სხვა მნიშვნელოვანი მახასიათებლები. აღნიშნული ინფორმაციის შეჯერებისა და შეფასების საფუძველზე კი დადგინდა, რომ მის მიერ დაგროვილ ქულათა ჯამი მაქსიმალური 100 ქულიდან შეადგენს 90 ქულას. ამრიგად, ვინაიდან უზენაესი სასამართლო არის მართლმსაჯულების განხორციელების უმაღლესი და საბოლოო ინსტანციის საკასაციო სასამართლო და იგი ერთგვარად წარმოადგენს დოქტრინალურ სასამართლოს, რადგან დიდ როლს ასრულებს სამართლის ნორმის განმარტებისა და ერთგვაროვანი სასამართლო პრაქტიკის ჩამოყალიბებაში, აღნიშნული სასამართლოს მოსამართლეობა დიდ პასუხისმგებლობასა და სირთულეებთან არის დაკავშირებული. შესაბამისად, მიმაჩნია, რომ კანდიდატი ამ ეტაპზე არ არის მზად დაიკავოს აღნიშნული თანამდებობა.

სახელი, გვარი: ნიკოლოზ მარსაგიშვილი

ხელმოწერა:

თარიღი:

28/05-2021

